

Headline	Lima jemaah kita tak dapat wukuf		
MediaTitle	Berita Harian		
Date	14 Sep 2016	Color	Full Color
Section	Nasional	Circulation	125,514
Page No	22	Readership	947,000
Language	Malay	ArticleSize	637 cm ²
Journalist	[FOTO EPA]	AdValue	RM 21,958
Frequency	Daily	PR Value	RM 65,874



Lima jemaah kita tak dapat wukuf

→ TH beri jaminan keutamaan laksana haji tahun depan

■ Makkah

Lima jemaah haji Malaysia tidak dapat melaksanakan ibadat wukuf pada Ahad lalu iaitu syarat wajib bagi mewunaikan haji.

Menteri di Jabatan Perdana Menteri, Datuk Seri Jamil Khir Baharom, berkata ia berikutan mereka mengalami masalah kesihatan yang serius.

"Mereka berusia antara 39 dan 87 tahun terdiri daripada empat lelaki dan seorang wanita yang kini sedang menerima rawatan rapi di hospital Arab Saudi.

"Mereka mengalami masalah pernafasan dan pendarahan otak dan berdasarkan tahap kesihatan yang serius, mereka tidak dibenarkan dibawa ke Padang Arafah (untuk wukuf)," katanya kepada pemberita selepas melakukan lawatan ke Pusat Rawatan Tabung Haji (TH) Syisyah di sini, semalam.

Jamil Khir berkata TH memberi jaminan semua pesakit itu diberikan keutamaan untuk mengerjakan ibadat haji sekali lagi pada

masa hadapan.

"Sekiranya kesihatan mereka pulih TH memberi jaminan mereka ini akan diberi keutamaan untuk mengerjakan haji sekali lagi," katanya.

Bagaimanapun, katanya, jumlah jemaah haji yang tidak dapat melaksanakan wukuf itu adalah kerugian daripada tahun sebelum ini.

Katanya, ia berikutan tahap kesedaran tinggi jemaah haji dalam menjaga kesihatan sejak dari tanah air lagi.

10 jemaah meninggal

Beliau berkata, jumlah kematian jemaah haji negara yang direkodkan sehingga hari ini adalah 10 orang. Katanya, daripada jumlah itu tujuh kematian itu berlaku di sini, dua ketika di Madinah manakala seorang ketika di tanah air.

Jamil Khir berkata, kematian terbaru adalah semalam membabitkan seorang lelaki yang meninggal dunia ketika mabit (berada) di Muzdalifah.

Ketika ini kira-kira hampir dua juta umat Islam seluruh dunia sedang melakukan lontaran di tiga Jamrat di Mina iaitu Sugra, Wusta dan Kubra.

Semua lontaran itu dilakukan selepas para jemaah bermabit di Mina dan lontaran akan berakhir selepas hari-hari tasyriq iaitu 11, 12 dan 13 Zulhijah.

Sementara itu, Jamil Khir berkata, penerangan pertama yang membawa pulang jemaah haji Malaysia adalah pada Sabtu ini.

Katanya, mereka terdiri daripada 450 jemaah haji melalui penerangan KT02.


"Semua jemaah haji pertama itu akan berlepas melalui penerangan Saudi Arabia SV5644.

"Mereka akan berlepas melalui Lapangan Terbang Antarabangsa Jeddah ke Kuala Lumpur pada 10 malam waktu tempatan (3 pagi, Ahad waktu Malaysia)," katanya.

Seramai 22,320 jemaah haji negara menunaikan haji pada musim haji kali ini. Semua mereka tiba di tanah suci mulai 4 Ogos lalu membabitkan keseluruhan KT47. Ketika ini jemaah berada di Mina untuk melakukan lontaran di Jamrah.

BERNAMA

Headline	Lima jemaah kita tak dapat wukuf		
MediaTitle	Berita Harian		
Date	14 Sep 2016	Color	Full Color
Section	Nasional	Circulation	125,514
Page No	22	Readership	947,000
Language	Malay	ArticleSize	637 cm ²
Journalist	[FOTO EPA]	AdValue	RM 21,958
Frequency	Daily	PR Value	RM 65,874



Umat Islam dari seluruh dunia melontar di Jamratul Aqabah, semalam.



Sekiranya kesihatan mereka pulih TH memberi jaminan mereka ini akan diberi keutamaan untuk mengerjakan haji sekali lagi”

Jamil Khir Baharom,
Menteri di Jabatan Perdana
Menteri